

Ár 2006, mánudaginn 6. mars 2006, er tekið fyrir af dómstól Handknattleikssambands Íslands kærumál nr. 2/2006

Handknattleiksdeild Víkings vegna framkvæmdar á leik ÍR 2 og Víkings í 3. flokki karla, 2. deild Íslandsmótsins, leikinn þann 9. janúar 2006.

Málið dæmir Smári Hilmarsson.

Mál þetta er þingfest þann 2. mars 2006 og dómtekið sama dag.

Mál þetta var höfðað með kæru sem dags. er 10. janúar 2006, móttekin þann 11.01.06 kl. 12:07 af HSÍ.

Skv. efni kærunnar kærir Víkingur, handknattleiksdeild, framkvæmd leiks ÍR 2 og Víkings í 3. flokki karla, 2 deild Íslandsmóts, sem fram fór mánudaginn 9. janúar 2007. Ekki kemur fram í kærinni hvar leikurinn fór fram né á hvað tíma. Bréfið barst skrifstofu HSÍ þann 11.01.06 kl. 12:07.

Í kærinni er á því byggt að ákveðnar greinar laga HSÍ hafi verið brotnar, sem séu eftirfarandi:

- a) Grein 2.1.25 (ritað 2.125 í bréfi kæranda) .
- b) Grein 11.2.12.
- c) Kærandi vísar til ákvæða í lögum HSÍ að aðilar þurfi að hafa náð ákveðnum aldri og hafa lokið námskeiði til að mega dæma í 3. flokki, án þess að vitnað sé til sérstakra lagaákvæða.

Niðurstaða:

Skv. dómi Áfrýjunardómstóls HSÍ, í málinu nr. 1/2002, kemur fram að gera skuli þær kröfur við málsmeðferð dómstóls HSÍ, að í öllum aðalatriðum sé farið eftir viðurkenndum meginreglum réttarfars.

Í 6. grein laga um dómstóla HSÍ kemur skýrlega fram hvernig form og efni kæru skuli háttáð en efni 6. greinar er eftirfarandi:

6. grein - Form og efni kæru.

1. Kæra skal vera skrifleg.
2. Eftirfarandi upplýsingar skulu koma fram í kæru:

1. Nafn, kennitala, heimilisfang og símanúmer/faxnúmer/tölvupóstfang kæranda.
 2. Nafn kærða, kennitala, heimilisfang og símanúmer/faxnúmer/tölvupóstfang kærða.
 3. Nafn fyrirsvarsmanns kæranda, heimilisfang hans og símanúmer/faxnúmer/tölvupóstfang.
 4. Greinargóð lýsing á því hvaða kröfur eru gerðar í málinu.
 5. Lýsing helstu málavaxta.
 6. Tilvísun til þeirra lagareglna sem við eiga.
 7. Lýsing á helstu röksemdum aðila málsins.
 8. Lýsing á þeim gögnum sem kærandi byggir mál sitt á, ásamt ljósriti af þeim gögnum.
 9. Upptalning á þeim vitnum, sem kærandi mun kalla til skýrslutöku.
3. Kæra, ásamt fylgigögnum, skal send dómnum í tveimur eintökum. Heimilt er að senda kæru með faxi, en þó skal frumrit ævinlega sent.

Þá kemur fram í 5. grein laga um dómstóla HSÍ að kærufrestur sé 24 tímar, en efni 5. greinar er eftirfarandi:

5. grein - Kærufrestur.

1. Kærufrestur til Dómstóls HSÍ er 24 tímar frá því að hið kærða atvik átti sér stað.
2. Sé máli vísað frá dómi hefur kærandi 24 tíma frest til að skjóta málinu aftur fyrir Dómstólinn. Frestur skal byrja að líða þegar frávísun berst kæranda.

Bréf handkn.deildar Víkings dags. 10. janúar 2006 er ekki þess efnis að það fullnægi þeim skilyrðum sem krafist er varðandi form og efni kæru til dómstóls HSÍ. Áfrýjunardómstóll HSÍ hefur kveðið skýrt um, að við málsmeðferð skuli fara eftir viðurkenndum reglum almenns réttarfars, m.a. varðandi form á kæru. Þá kemur fram í 6. grein laga um dómstól HSÍ að form kæru **skuli** vera með ákveðnum hætti.

Kæra handkn.deildar Víkings dags 10.01.06, er svo verulega áfátt hvað varðar form og efni með vísan til 6. greinar laga um dómstól HSÍ, og með vísan til fordæmis áfrýjunardómstóls HSÍ, að málið verður ekki tekið til dóms. Þá er ljóst að kærufrestur skv. grein 2.12.5 er 24 tímar, og var sá tími liðinn er kæran barst skrifstofu HSÍ.

Þá skal einnig tekið fram að samkvæmt grein 2.2.1.1 í lögum HSÍ skal bera fram mótmæli fyrir leik, ella hafa leikaðilar fyrirgert rétti sínum til að kæra ástandsbrott, eins og segir í greininni sem hljóðar þannig:

2.2.1.1. Öll mótmæli varðandi undirbúning kappleiks, keppnisvöll, dómara, aðstoðardómara, boltastærð eða annað viðvirkjandi framkvæmd leiksins, skulu borin fram við dómara fyrir leikinn af fararstjórn eða fyrirliða, ella hafa leikaðilar fyrirgert rétti sínum til að kæra ástandsbot.

Ljóst er að framkvæmd þess leiks sem kært er útaf, er ekki til eftirbreytni. Lög HSÍ og fordæmi áfryjunardómstóls HSÍ eru skýr hvað varðar þau álytaefni sem kært er útaf, og kemst dómurinn því ekki hjá því að vísa málinu frá dómi.

DÓMSORÐ:

Máli þessu er vísað frá dómi.

sign

Smári Hilmarsson